

بسم الله الرحمن الرحيم

الحمد لله رب العالمين والصلاة والسلام على أشرف المرسلين سيدنا محمد صلى الله عليه وعلى آله وصحبه وسلم ثم أما بعد

قال رسول الله صلى الله عليه وسلم

نضر الله امرا سمع منا حديثا فبلغه غيره ، فرب حامل فقه إلى من هو أفقه منه ، و رب حامل فقه ليس بفقيه ، ثلاث لا يغفل عليهن قلب مسلم : إخلاص العمل لله ، و مناصرة الأوامر ، و لزوم الجماعة ؛ فإن دعوتهم تحيط من ورائهم و من كانت الدنيا نيته فرق الله عليه أمره ، و جعل فقره بين عينيه ، و لم يأت من الدنيا إلا ما كتب له ، و من كانت الآخرة نيته جمع الله أمره ، و جعل غناه في قلبه ، و أتته الدنيا و هي راغمة

الراوي : زيد بن ثابت - المحدث : الألباني - المصدر : صحيح الترغيب - خلاصة حكم المحدث : صحيح

على بركة الله آخر شريط في ال respiration للدكتور ناجي
يا رب يجعله في ميزان حسناته ، ويكون من العلم الي ينتفع به يا رب
لدوقتي الساعة الرابعة و 22 دقيقة عصرًا ، يوم الجمعة 26 أبريل 2013

أي نوع hypoxia من الآخر ،
الي معندوش أوكسجين كفاية ، يبقا جسمه يحرق جلوكوز في غياب الأوكسجين

ندخل النهاردا على صفحة 43
وهنغوص النهاردا إن شاء الله في أعماق البحار

حصة النهاردا ، سؤال نظري ، وهو سؤال هناخذ في أول الحصة
وبقية الحصة حاجات أقل شوية ،
يعني آخر سؤال مهم ، النهاردا إن شاء الله

فيه حاجات كتيرة النهاردا عايز أكيها لكم عنها إن شاء الله

Acclimation to low O₂ tension (high altitude)

كلمة acclimation يعني التأقلم مع ،

على فكرة ال low oxygen tension
هي ال High altitude يا أولاد
مش كان أول سبب في ال hypoxic hypoxia << ال high altitude
الي هو نقص الأوكسجين في ال inspired air ، مش كده ولا إيه

لو واحد قرر يسافر إلى بلد من البلدان المرتفعة عن سطح البحر
وإحنا عارفين كل ما بنطلع لفوق ،
ضغط الأوكسجين بيحصله إيه ؟؟؟
بيقل

VISIT...

LANZAROTE
Caliente.COM

واحد قرر السفر إلى أثيوبيا أو المكسيك ،
البلاد دي بتبقا عالية عن مستوى سطح البحر ، يعني الأوكسجين فيها قليل أوووي
لما بتروح الأماكن دي هتعاي شوية

إحنا عايزين نعرف كيفية التأقلم مع الأماكن العالية دي ، مع المرتفعات
افترض واحد سافر في رحلة للمكسيك مثلاً أو أثيوبيا
في البلاد دي ممكن تلاقي حتت فيها من 3000 إلى 10,000 قدم فوق سطح البحر
يعني الأوكسجين قليل فعلاً

مسلسل التأقلم مع المرتفعات ، عبارة عن سلسلة من أربع حلقات
بص على الورق الي معاكم ،
أنا قاسم إجابة السؤال إلى أربع أجزاء كده بالطول
على فكرة ،
السؤال ده بمجرد ما بخلصه ، همليكم سؤال تجميعية مهم أوووي
إن شاء الله ، سؤال مهم أوووووووي

أول حاجة بتحصل ، في جسم البني آدم لما يزور مكان عالي ، عايزين نحل المشكلة

فكر ، وشغل مخك شوية

إنت إيه مشكلتك في الأماكن العالية ، مين الي ناقص ؟؟؟

Oxygen tension ال

مش كده ولا إيه ؟؟؟

أول حاجة هتحصلك يوم ما تزور بلد من البلدان العالية دي
نفسك هيزيد << صح ، ودا حل للمشكلة
مش إنت مشكلتك إن الجو مفيهوش أوكسجين كفاية

نفسك لما هيزيد ، وتبتدي تأخذ أوكسجين أكثر ، يتصلح
والكلام ده إحنا عارفينه

فاكرين يا أولاد لما قولنا ،

نقص الأوكسجين tension ، كان بيسرع النفس

عن طريق إنه بيعمل Peripheral stimulation للـ ولا central chemo receptors ؟؟؟

Peripheral chemo receptors

الي هما الأربعة bodies

• اتنين carotid

• واتنين aortic

يبقا أول حاجة هتحصلك ،

هيحصلك حاجة اسمها ، primary (وهنفهم دلوقتي ليه Primary دي)

Primary hyper ventilation

نفسك هيزيد فوق الجبل ،

أول ما توصل للمكسيك ولا أثيوبيا ، نفسك يبقا سريع ،

اكتب بالعربي <> حل المشكلة

مشكلتك أوكسجين قليل ،
نفسك لما يزيد ، هتأخذ أوكسجين أكثر ، مشكلتك هتتحل

فيه حاجة ،
بصوا لو سمحتم ، الشخص يا أولاد أول ما يوصل المكسيك ، نفس هيسرع ،
stimulation of respiration ما هو ذا ال

تفتكر الشخص لما نفسه يسرع كده ،
كده بيترد مين ؟؟؟

ال CO_2
ودا حمض ، مش كان ال CO_2 بيذوب في المية ويدي Carbonic acid
دا حمض

الشخص يا أولاد ، لما نفسه يسرع وطرد الحمض ،
جوا الجسم دلوقتي ، حصل حالة alkalosis
slight inhibition of respiration ودي بتعمل

إنتوا نسيتموا ،
إن نقص ال CO_2 tension ، أو نقص الهيدروجين (الي هو ال alkalosis)
أو زيادة ال O_2 tension
دي حاجات بتهدى النفس ، slight inhibition of respiration

يبقا كأن يا أولاد ، دلوقتي الي حصل ،
كأنك يا أبو زيد ما غزيت
إنت أول ما وصلت المكسيك ، نفسك سرع
نقص الأوكسجين ، شغلك ال Peripheral chemo receptors
نفسك زاد

نفسك لما زاد ، طردت الحمض ،
مين الحمض الي انطرد مع النفس ؟؟؟
ال CO_2
قوم حصل جواك حالة alkalosis
ودي بتوقف النفس

البنى آدم مننا يا أولاد ،
أول ما يزور أثيوبيا ولا المكسيك ، هيبقا منظر نفسه مسخرة بقا
اتفرج على المنظر ،
تلاقية فترات من ال Hyper ventilation ، بعدها apnea

المنظر ده الي سميناه قبل كده Periodic breathing

إنت عارف الشخص الي هيزور المكسيك ،، منظر نفسه هيبقا كده لغاية أربع أيام
يقعد من يومين إلى أربع أيام ،، النفس بهذا المنظر لغاية ما ال Kidney ،، جزاها الله خيراً ،، (بدعيها)
ال Kidney هتحل ليك المشكلة بعد أربع أيام
إزاي؟؟؟
هتبتدي ترمي sodium bicarbonate في ال urine (البول)
دا قلوي ،،

ال Kidney بترمي قلوي في البول
اسمه sodium bicarbonate

بس ،، اتظبطت يا حلو ،،
يبقا إنت دلوقتي في المكسيك بعد أربع أيام
نفسك زاد ،، نتيجة نقص الأوكسجين

تقوم ابتديت تطرد الحمض مع النفس
وفي نفس الوقت الكلية بترمي قلوي في البول

إنت بتطرد حمض مع النفس ،، الي هو ال CO_2
والكلية بترمي قلوي في البول
أخبار ال PH إيه دلوقتي؟؟؟
ثابت ،،

تقوم تستمر ال Hyperventilation دون توقف

مين الي حل لنا المشكلة؟؟؟
ال Kidney

أقولك حاجة ،،
طول عمره ال urine < acidic
إن شاء الله في سنة تانية في البايو ،، هيحكوا ليكم إن ال Urine ال PH بتاعته من 4.5 إلى 6
البول بتاعنا حمض

عارف ليه حمض؟؟؟
أصل إحنا جسمنا ،، بيطلع أحماض
نواتج ال Metabolism (الي هو التمثيل الغذائي) < أحماض
يقوم البول بتاعنا مليون أحماض

إلا فوق الجبل ،،


فوق الجبل هيتقلب البول ويبقا alkaline
عشان ال Hyper ventilation تستمر معاك

طيب «
حتى يطمئن قلبي « كمان مرة

يبقا أول ما روحنا المكسيك « نفسنا زاد
hyper ventilation
سميها Primary

لعلك تكون فهمت « ال Hyper ventilation المستمرة بنسميها secondary بعد شوية
لما ال Kidney حلت المشكلة

خد وإدي معايا في الكلام «
أول ما وصلنا المكسيك « الأوكسجين tension قليل « نفسك زاد
ده شغل ال peripheral ولا شغل ال central chemo receptors ???
peripheral chemo receptors



Hyper ventilation
نفسك لما زاد «

بتطرد مين ???
ال CO₂

ودا حمض « يبقا جوا جسمك يحصل alkalosis
ودا يعمل slight inhibition of respiration
يقوم الشخص يقعد من كام يوم لكام يوم ???

من 2 إلى 4 أيام
منظر إنه يتنفس بسرعة وبعدها فترات من ال apnea
لغاية ما مين حل لنا المشكلة بعد أربع أيام ??

ال Kidney
جزاها الله خيراً

حلت المشكلة إزاي ???

عن طريق إنها بترمي sodium bicarbonate في ال Urine
(Na HCO₃)

على فكرة «

دا حتى ال brain فوق الجبل هيخلص من القلوي بتاعه «
فيه عندكم رسمة صغيرة جنب ال kidney
المخ لو عنده قلوي هيرمي على الدم

حد عارف إيه البتاعة المنتقطة في ال brain ???
ال BBB

اللي هو مين ال BBB ؟؟؟

ال blood brain barrier

ال bicarbonate اللي جوا ال brain حتى

هيترمى على بره ، دي عملية active

برا ده اللي هو ال blood

عشان ال Kidney بعد كده تأخذ القلوي ده ترميه في ال urine

إحنا عايزين نخلص من القلوي اللي في الجبل

نخلص من القلوي بتاع الدم وبتاع المخ

إرمي كله ، إرمي القلوي اللي في المخ على الدم ، والكلية تروح رامية ليك على بره في البول

أول حاجة حصلتلك ، لما وصلت أثيوبيا ولا المكسيك

عشان كده تلاقي لعبية الكرة بتوعنا ، بيحاولوا يوم ما يروحوا يلعبوا في حنة من دول

يروحووا يقعدوا قبلها أسبوع

أملهم في ال Kidney تحل ليهم شوية الموضوع

عشان نفسهم يبقا زيادة عطول

طيب ،

فيه حاجة مكتوبة تحت في دائرة ،

Pulmonary hypertension

الجملة دي يا أولاد معناها ، زيادة ال blood flow اللي رايح لل Lung

والله ملعوبة ،

يا أولاد واحد نفسه سرع فوق الجبل ، عشان يأخذ أوكسجين أكثر من الجو

مش المفروض دم كتير يعدي جوا الرئة عشان الأوكسجين دا

أهو يا سيدي pulmonary hypertension

يبقا زيادة الدم اللي رايح اللي رايح للرئة

زيادة ال blood flow لل Lung

عشان يستقبل الأوكسجين اللي هياخده من بره

طيب ،

تاني حاجة بقا ، الكرات الحمراء بتاعتك ، العربيات اللي بتدي الأوكسجين للخلايا ، هتزيد فوق الجبل

مين فاكرك ،

الحصة اللي فاتت قولت بتأخذ أد إيه عشان تزيد ؟؟؟

فيه فترة زمنية كده محتاجينها عشان الكرات الحمراء تزيد ، من 6 إلى 8 أسابيع

مش قولتلكم ،

عشان كده الناس اللي طلعت إيفرست

نجحت لما خدت الزمن ده ،

محدث يغش من الورق ،، فاك من الهرمون المهم أووي للكرة الحمراء ؟؟؟
erythropoietin ال

الهرمون دا طالع mainly منين فينا ؟؟؟

من ال Kidney

كام في المية ؟؟؟

75 %

الباقى طالع منين ؟؟؟

ال liver

15 % بس

مين ذاكرته حلوة ،، من أيام ال blood معايا
أنا قولت الهرمون ده أهم حاجة بتطلعه ،، مرة واحدة
اللي يطلع الهرمون ده كان hypoxia
موضوعي ،، الجبال

حتى بالأمارة قولتلكم ،،

ويبقا ثاني حاجة تطلع الهرمون كان إيه ؟؟؟

ال Hypoxia

ويبقا مرة ثلاثة اللي بتطلع هرمون إيه ؟؟؟

hypoxia

أهم حاجة تزودك الهرمون ،، كانت hypoxia
الجبل اللي إحنا بنحكي فيه
سعادتك لما بتزور أثيوبيا ولا المكسيك ،، هرمون ال erythropoietin يروح طالع 75 % من ال Kidney
و 15 % من ال Liver ،،
يزودك تصنيع كرات الدم الحمراء

كرات الدم الحمراء لما تزيد

إسمها polycythaemia

في حاجة حلوة بتحصل ،،

ضربات قلبك بتسرع ،، ال heart rate بيزيد

عشان يبقا الدم اللي فيه الأوكسجين قليل ،، بيمر على الأنسجة عدد مرات أكثر

يديها فرصة إنها تأخذ اللي هي عايزاه

كل حاجة وليها قيمتها في الموضوع

اللي جاي دا هتستغربوا منه ،،

بيقولك : عدد ال capillaries بيزيد فوق الجبال ،،

ال capillaries هتزيد !!!

أنا مش بكلمك على artery ولا vein
أنا بكلمك على capillary

ركز معايا ،،

الخلية دي ،، تخيل إن دا ال capillary اللي رايحة ليه عشان تديها الأوكسجين

إن شاء الله أول حصة ليكم معايا في ال vascular

هعلمكم إن فيه حاجة اسمها angiogenic

فيه حاجات ممكن تصنع أوعية دموية جديدة ،، capillaries جديدة

هأعلمكم إزاي إن شاء الله

فوق الجبل ،، تلاقي تفريجة كده راحت طالعة من ال capillary

مشيت الناحية دي ،، حلوة

بيقا إنت كده بتدي أوكسجين للخلية من الناحيتين ،، بتديها أكثر

تصور الكلام ده بيحصل فوق الجبل

ال capillaries عندنا بيزيدوا ،، المنظر اللي قولتهولك

الحاجة الثالثة والرابعة اللي بتحصل فوق الجبال ،، مطلوب فوق الجبل إن الهيموجلوبين يسيب الأوكسجين للـ tissues

يسيب يعني ال affinity تزيد ولا تقل ؟؟؟

تقل

ومطلوب كمان فوق الجبل ،، إن ال tissue يعرف يأخذ الأوكسجين دا أحلى

مطلوب إن الشياطين بتوع ال tissue يزدوا

فاكر مين الشياطين ؟؟؟

oxidating enzyme

اللي كان فيه سم بيعطله ،،، ال histotoxic

كمان مرة ،،

خلي بالك دي غير دي ،،

مطلوب فوق الجبل إن الهيموجلوبين يسيب الأوكسجين لل tissues دي حاجة

ومطلوب إن ال tissue يأخذ الأوكسجين ،، دي حاجة تانية

دي الحاجة الثالثة والرابعة

مين أكثر مادة في العالم يا أولاد عرفوها بتكره الهيموجلوبين في الأوكسجين ؟؟؟

2,3 DPG

إيه ال DPG دا ؟؟؟

di phospho glycerate

إيه رأيكم إن ده بيزيد فوق الجبال ،،

طبعاً ، فوق الجبل يا ابني الأوكسجين قليل
والمادة دي بتنتج من حرق الجلوكوز في غياب الأوكسجين
مكتوب عندكم عملية glycolysis

عارفين يعني إيه glycolysis ؟؟
اللي هو حرق الجلوكوز في غياب الأوكسجين

مين شاطر ، آخر مرة بنجيب سيرتها الكلام ده
الهيموجلوبين لما يسحب الأوكسجين ، ال affinity تقل
يعني curve الأوكسجين يتحرك إزاي ؟؟؟ shift to the right ولا shift to the left
shift to the right

طيب ،
كمان فوق الجبل ، ال oxidating enzyme
الشياطين بتوع ال tissue بيزيدوا
مين ال organs يا أولاد اللي عليه oxidating enzyme جوا الخلايا ؟؟؟
الميتوكوندريا (Mitochondria)

مكتوب عندكم ،
عدد الميتوكوندريا كمان بيزيد ،
إنتوا نسيتموا كلام الهيستولوجي الجميل ، اللي كان بيقول فيه مكانين فيهم DNA جوا الخلية
غير ال Nucleus دا مكان ،
كان مين كمان ؟؟؟
ال mitochondria

وأنا علمتك إن اللي عنده DNA ،
ال DNA دا بحرف ال D ، دا مهم لعملية ال division

عشان كده ال Mitochondria عددها يزيد فوق الجبال
دا لهذا السبب وحده ، ربنا حاطط الميتوكوندريا
عشان يوم ما جسم البني آدم يكون فيه Hypoxia (الأوكسجين قليل) ، ندي فرصة إننا نزود عدد الميتوكوندريا
اللي عليه ال oxidating enzymes
اللي بتأخذ الأوكسجين من الدم

طيب ،
أسألكم حاجة بقا ،
تفكر في اللي أنا قولتهم كلهم دول ، اللي هيحصلوك فوق الجبل ، إيه الحاجة اللي مدايقاك في كل اللي أنا قولته ده ؟؟؟ يعني كل الحاجات
دي حصلت ؟؟؟
ال Hyper ventilation

إيه يهكم يا ابني إن ال ABG زاد

هو إنت حاسس بحاجة ☹️ ، ضربات قلبك سرعت شوية ، مش أوي
ال Oxidating enzymes زادت مش أوي

الي مدايقك لما تروح أثيوبيا ولا المكسيك ،
عارف لو قعدت هناك ، سنة ، بقيت permanent residence في الأماكن دي
هتختفي منك ال Hyper ventilation
تخيل !! وتبقا زي أهل البلد

الناس في الأماكن دي ، تنفسهم Normal
المواطنین بتوع البلد ، جسمهم بيتعود يستهلك أوكسجين أقل
بيأخذ أوكسجين قليل ، بس بيحسن إستغلاله

يبقا لو قعدت هناك إقامة دائمة ، كل الحاجات دي موجودة
إلا حاجة واحدة هتختفي منك
الي هي ال hyper ventilation

عشان كده ، فرقة الكرة راحت أثيوبيا ، تروح قبلها بأسبوع ، أسبوعين
هتتغلب اتنين صفر
لما يجوا هنا مصر نغلبهم أربعة ، أو حتى 18 مستريحين هنا
ال الفرق في ال Hyper ventilation

فيه سؤال أحياناً بيجي ، يلا أمليه ليكم ،
ال Hypoxic hypoxia
اكتب معايا العنوان دا لو سمحتم
همليك سبع نقاط ، يقولك : اشرح hypoxic hypoxia

Hypoxic hypoxia

السؤال دا ، إذا كنت عارف السبع النقاط الي هقولك إنت هتتكلم في إيه ، يعني مضيعتش وقت في التفكير
يأخذ منك كتابة على الأقل تلت ساعة في الإمتحان
اتفرج على السبع نقاط الي هتتكلم فيهم : اكتب
١. مرة واحدة ، definition

حد فاك ال Hypoxic hypoxia ، الأوكسجين ناقص عند ال tissue بسبب إيه ؟؟؟
ال oxygen tension قليل ، دا ال definition

٢. مرة اتنين ، causes

يلا قولهم ليا من بره لجوا ، الخمس أسباب من بره لجوا :

- أول إحتمال لل Hypoxic hypoxia ، نقص الأوكسجين في الهواء
- الإحتمال الثاني ، الرئة هي الي مش عارفة تأخده ، hypo ventilation
- الإحتمال الثالث ، الأوكسجين مش عارف يعدي ، alveo-capillary block
- الإحتمال الرابع ، الأوكسجين عدى ومفیش دم متظبط على أدّه ، فيه لخبطة في V/P (ventilation perfusion ratio)
- الإحتمال الخامس ، كله كان كويس ، بس حصل خيانة ، الي هي ال shunt ، من ال venous لل arterial ، زي الثقب في القلب ، فيه ناس عندهم ثقب في القلب

٣. نمرة ثلاثة ،، هتكتب character

فاكر ،، كل حاجة كانت قليلة في ال hypoxic hypoxia والعيان أزرق
ما هي كانت أول واحدة
يبقا نمرة ثلاثة ال characters

٤. نمرة أربعة ،، symptoms

ال symptoms الي هي كانت 3 قصص
كايينة الطيارة الي اتفتحت مرة واحدة ،، كان بيحصل coma خلال 15 ثانية
و لا قدر الله ،، يتوفاك الله في أد إيه ؟؟
5 دقائق ،، لو ملحققتش البتاعة دي

طيب ،،

وإزاي طلعت الجبل بسرعة ،، أعراض شارب الخمرة

ودا واحد عيان ،، severe fatigue

هتروح قايل الثلاث قصص

٥. نمرة خمسة ،، Oxygen therapy

فاكر في الخمس أسباب بتوع ال Hypoxic hypoxia ،، فيه إثنين ميستفدوش أوي من الأوكسجين
ال shunt و اللخبطة ما بين ال ventilation perfusion

أنا مبشرحش ال anemic ولا ال stagnant ولا ال histotoxic

أنا بشرح ال hypoxic hypoxia بس

أنا بركز في النقاط بتاعتها بس

٦. نمرة ستة ،، relation between hypoxic hypoxia and cyanosis

فاكر عيان الأمراض الصدرية الي اتخبط بالزجاجة

حصل إيه في الزرقان بتاعه ؟؟؟

قل ،،

قولتلك الجماعة المجانين افتكروا إننا عالجنه

وال hypoxia حصلها إيه ؟؟؟

زادت

هتروح كاتب العلاقة دي ،، ال relation ما بين ال Hypoxic hypoxia وال cyanosis

إن هما الأثنين مش ماشيين مع بعض

٧. نمرة سبعة ،، هتروح قايل الكلام بتاع الحصة دي ال acclimation to low oxygen tension

لأن دي مثال لل hypoxic hypoxia

إيه الي بيحصل في جسمك في ال Hypoxic hypoxia

لو ربنا كرمك ،، عشرين دقيقة في الإمتحان ،، عشان تكتب الكلام

تعالوا بنا ننزل إلى أعماق البحار،

Problems of increased barometric pressure

الكلام ده نظري فقط

من فضلك انتبهوا،، إنت عارف لو أنا عايش في بلد زي مصر كده
إحنا بلادنا لا هي مرتفعات ولا منخفضات
إحنا بلادنا على مستوى سطح البحر،،

إحنا يا أولاد دلوقتي معرضين،، لضغط جوي مقداره واحد ضغط جوي كلنا
حلو كده ☺

إنت عارف كل ما بنطلع لفوق بيحصل إيه في الضغط الجوي؟؟؟

بيقل

وكل ما هننزل تحت سطح المياه،، الضغط هيزيد
الأرقام تحفظ صم اللي هقولها إن شاء الله

كل عشرة متر،، هننزلهم تحت سطح المياه،، هيزداد علينا الضغط بمقدار واحد
يعني على عمق عشرة متر تحت سطح المياه الضغط هيبقا كام؟؟

2

ما هي العشرة بتزود واحد،، وإحنا عندنا واحد في الأول
يبقا دلوقتي على عمق عشرة متر معرضين لضغط اثنين
حلو

طيب،،

مين شاطر يجاوب بسرعة

تفتكر بقا لو نزلنا غواصة تحت سطح المياه على عمق،، 50 متر

يبقا الضغط دلوقتي المعرضة ليه الغواصة كام؟؟

6

حد متلخبط؟؟؟ إن شاء الله لا

كل عشرة متر تحت المياه بواحد

أدي يا سيدي الشخص اللي داخل الغواصة،، أهو ☺ الرجل الرفيع ده ☺

تحت سطح المياه،، على عمق 50 متر

الضغط داخل الغواصة 6

أحياناً طالب يتعفرت من النقطة دي

يقولي : إنت بتقول الضغط في المياه على عمق خمسين متر هو اللي ستة،، بره الغواصة ؟؟

وداخل الغواصة لازم يكون ستة برديو

افهم،، إنت عارف لو إحنا نزلنا الغواصة تحت المياه،، الضغط جواها واحد ضغط جوي

والضغط براها في المياه ستة،، كانت اتطبقت على الناس اللي فيها

زي بالظبط لو جنبنا علبة كانز،، وضغطنا عليها من بره

بتتطبق مية المياه،، لو ضغط عالي من براها

على عمق خمسين متر تحت سطح المياه ، الضغط في المياه بره ستة
و إحنا بنخلي الضغط جوا الغواصة ، بردو ستة
عشان متتطبقش على الناس اللي فيها

حد متلخبط في دي
ما هو لو الضغط جوا واحد ، كانت الغواصة اتطبقت على اللي جواها

طيب ،
يبقا إحنا دلوقتي يا أولاد بنشرح هنا موضوع زيادة الضغط
نلاقي عنوان الورقة problems مشاكل ،
of increased barometric pressures
مشاكل زيادة الضغط
اللي إحنا تحت المياه

طيب ،
وإحنا نازلين ، خُذ وإدي معايا في الكلام ،
وإحنا نازلين بيحصل إيه في الضغط ؟؟؟
بيزيد

كلمة يزيد دي اسمها compression
اقرأ كده عندكم في المذكرة ، زيادة الضغط اسمها compression
مكتوب عندكم وإحنا نازلين ، descend (النزول)

تفتكر وإحنا بنطلع الغواصة من تحت ،
الضغط عمال يقل ، يسموها decompression
بص عندكم بردو في المذكرة ، هتلاقي مكتوب وإنت طالع ، اسمها decompression
دكتور ناجي علمها لكم ، de يعني إزالة
decompression ، إزالة ال polarized state
حتى إن الموجب بره ، والسالب جوا ، هنشيله ونعكس
decompression كان اسمها

إنت عارف ، الصفحة دي في المذكرة ،
اللعب كله في ال M.C.Q.
في حته compression و decompression
إنت لو مركزتش من الأول تتوه

يبقا وإحنا نازلين ، **الضغط عمال يعلى ، اسمه إيه ؟؟؟**
compression
بيضغط

وإحنا طالعين ، **الضغط عمال يقل ، إسمها ؟؟؟**
decompression

تعال بقا وإحنا نازلين ،، فيه مشاكل خفيفة ،، مش أوي يعني

إيه المشاكل ؟؟

الهواء اللي جوا الغواصة ،، تركيبه زي الهواء الجوي

حد عارف الهواء الجوي نسبة كانت كام ؟؟؟

20 % أوكسجين

80 % نيتروجين

وتقريباً مفيش CO_2

إنت عارف إيه المشكلة وإحنا نازلين في الغواصة ؟؟؟

ال3 غازات اللي إنت قولتهم دول ،،

اللي هما الأوكسجين والنيتروجين وال CO_2 القليل

الضغط عالي أوووي جوا الغواصة

يقوم ال3 غازات دول بيخشوا بكمية كبيرة جسم الشخص جوا الغواصة

تعال نتفرج كل واحد من الغازات هيحصل إيه ؟؟؟

أولاً ال CO_2 هو من الأول قليل ،، مهما دخل مش هيفضر في حاجة

مكتوب عندكم no effect

ما هو في خيالي دلوقتي ،، الضغط عالي أوووي داخل الغواصة ،،

الضغط العالي عمال يحشر الغازات دي جوا صدر الغواص زيادة

الغاز الأول مفيش منه مشكلة

اللي هو ال CO_2

لأنه من الأول قليل

الأوكسجين ،، هتقولي إحنا خدنا ليه toxicity

أيوة أعراض ال toxicity تبان

بس بتأخذ وقت شوية يا أولاد ،، لما كنا بنتكلم هناك على مية في المية أوكسجين

إحنا هنا بنتكلم على عشرين في المية ،، يعني هتظهر بس متأخر أوي

عارف المشكلة هتيجي في مين ؟؟؟

في النيتروجين

يقولك : النيتروجين اللي خش كثير جوا جسم الغواص ،، **إيه اللي يحصل منه ؟؟؟**

يقولك : على عمق أربعين متر تحت سطح المية

النيتروجين اللي دخل جوا جسم الغواص يخليه يضحك ☺

مكتوب عندكم euphoria

أيوة ،، ما هو الغاز الضاحك

ال Nitrous oxide (NO)

الغاز الضاحك

تلاقي الغواصين على عمق 40 متر ،، بدأوا يضحكوا ،، يقهقهوا تحت في المياه
عارف لو نزلتهم على عمق تحت 40 متر ،، يناموا منك
مكتوب عندكم narcosis

euphoria يعني يضحك ،، مبسوط
دا إيه المسخرة دي ؟؟؟
يعني أنا جايب الغواصة دافع فيها دم قلبي ،، ملايين عشان نعملها
نحط فيها الغواص ،، يا ينام ،، يا يضحك ☺
يعني في الحالتين مش شغال

حلوها حل جميل ،،
استبدلوا النيتروجين داخل الغواصة بغاز الهيليوم
عشان يبقى منور وحلو كده الغواص من دول

أقولك حاجة ،،
الهيليوم ده غاز inert
الجسم مش هيسخدمه

المهم إننا بطلنا ينام أو يضحكوا
يبقا حل المشكلة ،، إستبدلنا النيتروجين بالهيليوم
واتحلت المشكلة

يعني الغواصة دلوقتي ،،
80 % هيليوم
20 % أوكسجين
وتقريباً مفيش CO₂
مش إنت اللي مزعلك النيتروجين ؟؟؟ شيلناه خالص

تاني بقا ،،
المشكلة وأنا نازل ،، في أنهي غاز من الثلاثة ؟؟؟ النيتروجين ولا ال oxygen ولا ال CO₂ ؟؟؟
إحنا الغواص من دول بينزل يؤدي المهمة ،، بسرعة ونطلع
كثير من الغواصات الحربية ليها نظام تاني
خلينا في الغواصات اللي على أدنا اللي تحت السلم ☺
نازل يبص على حاجة تحت وطالع

المشكلة في مين من الثلاثة ؟؟؟
النيتروجين
على عمق أربعين متر ،، هيبتي يضحك
يضحك اللي هي إيه ؟؟؟
euphoria
أكثر من أربعين متر ،، هيعمل إيه ؟؟؟
ينام

إسمها إيه ينام ???

narcosis

حليناها إزاي ???

شيلنا النتروجين من الغواصة وحطينا مكانه الهيليوم

تعال بقا ،، وإحنا بنرفعه لفوق

فيه مشكلتين ،،

أولاً وإحنا بنرفعه ،، إسمها decompression ولا compression ???

decompression

اقرأ عندك ،، أول مرض بيحصل وإحنا بنرفعه ،، اسمه decompression sickness

حد عارف يعني إيه sickness ??

مرض (disease)

مرض إزالة الضغط

ليه اسم الثاني ،، ببسألوه في الشفوي الإسم الثاني دا ،،

caisson's disease

فيه ناس بتعبط يظهر في الشرح

يقولهم : كيسون ده اسم الخواجة

دا أنا كاتبها حرف صغير (small letter)

كيس يا بابا في اللغة ،، يعني صندوق

مرض الصندوق ،، اللي هو مرض الغواصة

خواجة إيه !!!

هو أي إسم مش فاهمينه بيقا خواجه !!! ولا إيه

caisson's disease

مرض الصندوق اللي هو مرض الغواصة

تعال أحكيك إيه قصة المرض دا

بص معايا لو سمحت وركز ☺

يقولك : الراجل اللي قاعد في الغواصة تحت دا ،، لو بعد ما خلص شغله تحت المية

رفعنا الغواصة لفوق سَنة سَنة ،،

يعني شيلنا عنها الضغط سَنة سَنة ،، اسمها slow decompression

يا دار ما دخلك شر

أنا هشرح هنا على أساس إنه كان بيستنشق نتروجين ،، بس إنتوا فاهمين نفس القصة لو إحنا حاطين هيليوم جوا الغواصة

بس أنا هشرح على النتروجين

لكن ،، اللي بقوله هنا نيروجين ،، هو هو هيليوم بالظبط

لو إنت بتستبدله

الشخص الي جوا الغواصة دا ، لو إنت رفعت الغواصة لفوق سنة بسنة ، عملت slow decompression شوية النيتروجين الي جوا جسمه هيخرجوا مع النفس ويا دار ما دخلك شر

يبقا مفيش أدنى مشكلة ، لو رفعت الغواص سنة بسنة
اسمها إيه سَنَة بسنة دي ؟؟؟
slow decompression

اتفرج بقا على المرض يجي منين ، ال decompression sickness
نفترض الغواص وهو تحت المية ، حصلت مشكلة في الغواصة
قابله بقا الفك المفترس ، هنعرف دلوقتي
فجأة ، اضطرينا نرفعه لفوق مرة واحدة ، عملنا rapid decompression
شيلنا عنه الضغط مرة واحدة

يقولك إيه الي يحصل ؟؟؟
شوية النيتروجين الي كانوا ذائبين فيه تحت المية ، يتحولوا إلى bubbles (فقاعات) في دمه
الفقاعات دي بقا ، هي ونصبيها تسد الشريان الي رايح للمخ يحيله شلل paralysis
تسد شريان بتاع القلب ، coronary ، ممكن قلبه يقف ويموت

الطالب مش مقتنع ، فقاعات إيه الي بتحكي فيها ؟؟ الغواص هيبقلل ☺ إزاي يعني ؟؟؟
أحكيلك ،
إنت عارف إزاجة (زجاجة) الحاجة الساقعة ، طول ما هي مقفولة ، الغازات بتاعتها ذائبة يا بابا ، إنت مش شايف حاجة
لو شلت عنها الضغط مرة واحدة ، عملت rapid decompression
فتحتها مرة واحدة ، الغازات دي تفور وتقع برا
زي إزاجة الحاجة الساقعة ، الكوكاكولا والبيسي والسبورت كولا والحاجات دي

أه ، بالمناسبة ،
إنت عارف الفرق ما بينهم ؟؟؟ يعني إنت بتشرب كوكاكولا وبيسي ، على أي أساس بتختار ؟؟؟
الموجود ☺ ، ولا الي بتشاور عليه للبيع وخلص ☺ ، تقوله إديني حاجة سودا وخلص ؟؟
لا ، تعال أقولك : عشان الكلام ده مهم للشرح

أول مشروب اخترعوه في العالم ، كان الكوكاكولا
عشان كده الإعلان كوكاكولا هي الأصل ☺

أول مشروب في العالم ، كان كوكاكولا
الجماعة العلماء حطوا عليه مادة البيسين ، كمادة هاضمة للبروتين
سموها بيسي كولا
يعني تشربها بعد الأكل تساعدك في الهضم

عشان كده غلط ، سعادتك تشربها على معدة فاضية
تخيل بقا ، واحد مفطرش وبيشرب بيسي كولا
البيسين ده بيتدي يهضمك جدار المعدة ، ممكن يعمل قُرحة على المدى الطويل

اسمها إيه السنة بسنة بسنة دي ؟؟؟

slow decompression

دا كل القصة compression ، و recompression ، و decompression

وبيلاعبكوا بيها في ال M.C.Q.

كمان مرة ،

المرض هنا يحصل لو عملنا إيه ؟؟؟

rapid decompression

علاجه نعمل إيه ؟؟؟

recompression

وبعدين slow decompression

كمان مرة ،

المرض هنا سببه إيه ؟؟؟

rapid decompression

علاجه نعمل إيه ؟؟؟

recompression

وبعدين slow decompression

عايز أقولك حاجة ،

القصة الي أنا حكيتها لكم دي ، في أعماق البحار بتاع الغواصة

caisson's disease

أو ال decompression sickness

مممكن تحصل زي ما هي بتحصل في أعماق البحار ، مممكن تحصل في الأفاق فوق في الطيارات

إنت عارف الطيارات بتاعت التدريب دي ، الي لا ليها باب ولا شباك ولا الكلام ده

الي إحنا عندنا منها شوية في مطار إمبابة

مطار إمبابة في النوعية دي من الطيارات ، طيارات تدريب

الي هي تلاقي الطائرة كده لا فيها باب ولا شباك وتلاقي الطيار بيعمل باي باي لأهله ، وبتاع كده ☺

طيارات مطار إمبابة على فكرة فيها حاجة غريبة

بتطلع من مطار إمبابة ، بس مبترجعش مطار إمبابة ☺

تلاقيها تقف على سطوح بيت ، تنزل في بلكونة ☺ تخطب في حاجة في وشها

حاجة غريبة ☺

تخيل واحد من بتوع طيارات إمبابة دول ،

كان واقف على الأرض عنده نيتروجين في جسمه normal

فجأة طلع لفوق ، عمل rapid decompression

شوية النيتروجين العاديين بتوعنا دول هيتحولوا جواه إلى bubbles

وتحصله نفس المشكلة الي حكيتهالك

يبقا حنة ال decompression sickness دا

مش بس في أعماق البحار

ممکن لو طيار مغفل ،، طلع بسرعة ،،

شوية النتروجين الي فيه اتحولوا إلى bubbles

آخر مرة ،،

المرض ده آخر مرة كان سببه إيه ؟؟؟

rapid decompression

علاجه إيه ؟؟؟

recompression

وبعدين slow decompression

تعال بقا لتاني مشكلة تحت المية ،، تابع للموضوع

Air embolism

أحياناً بنشوف في الأفلام ،، الغواص الي هو شاييل إسطوانة الأوكسجين على ظهره

ومركب البتاع ده في رجليه ☺

وسارح في المية ،، دا مش جوا الغواصة بقا

دا منه للمية

بيكون حاطط بتاع كبيرة على ظهره بتاع الأوكسجين اسمها SCUBA (سكوبا)

إسطوانة الأوكسجين اسمها سكوبا

اختصار لكلمة Self Contained Under water Breathing Apparatus

يا عم خيلنا في سكوبا ☺

مالها السكوبا يعني ☺

إن شاء الله كده في يوم من الأيام

حد فيكم يطق في دماغه ،، عجبه موضوع الغوص دا

شال واحدة كده على كتفه ،، وشوية زعانف كده في رجليه

وعايز يغوص

روحنت إنت البحر الأحمر ،،

اصطدت ليك واحد من الي بيمرنوا

ما لازم الأول يدريك شهادة عشان تقدر تغوص

المعلم بتاع الغوص ،، أول حصة هياخد منك 120 جنيه

الدرس مش هيستغرق دقيقة

هيقولك إيه ؟؟؟

مش هينزلك تحت المية ،،

هيقعد يقولك بإهوشن منفعل : أوعى تكون تحت المية في مرة ،، بتتنفس من السكوبا دي ،،

تروح كاتم نفسك وتروح خارج على فوق وإلا هتموت

وبعدين يقولك :

متشكرين ،، نشوفك بكرة بقا

طبعاً إنت ،، متغاض ،،

دا أنت يومها جايب العيال معاك ،، بابا كمان شوية هينزل يغوص ☺ وهتركب البتوع في رجلك
الراجل قالك روح أول يوم في التعليم

الراجل قاصد يغيظك أول يوم

قاصد إنك تقعد تفكر في كلامه اليوم كله

دفعت الفلوس دي كلها عشان جملة !!!!!

الراجل بينقذ حياتك ،،

أوعى تأخذ نفسك من السكوبا دي ،، تكتمه وتروح خارج ،،

وإلا تموت

تعال أفهمك إيه القصة ؟؟

الفكرة ،، إن الواحد وهو تحت المية ،، المية كابسة على صدره من بره


مش إحنا اتفقنا إن كل ما بننزل لتحت ضغط المية بيزيد علينا

كل عشرة متر بيزيد واحد

تحت المية ،، المية بتبقا ضاغطة على صدرك جامد

تقوم الإسطوانة الي فيها الأوكسجين ،، الأوكسجين فيها مضغوط

ضغطه عالي ،، عشان إنت تتنفس أوكسجين مضغوط يقدر يزق (Push) صدرك ناحية بره



تحت المية مفيش مشكلة ،،

المية زانقة على صدرك من بره ،، والإسطوانة ضغطها العالي بيزق ليك الأوكسجين جوا

دا أنا عشان أقنعكم إن تحت المية الضغط جوا صدرك عالي

شوفت الرسمة عاملة إزاي ؟؟ رسمتلك الإسطوانة جوا صدرك

خدت بالك ،،

يعني الضغط العالي بتاع الإسطوانة دا جوا صدرك دلوقتي ،،

إيه المشكلة ؟؟؟ بتيجي مين ؟؟؟

الناس يا أولاد الي بتغوص أول مرة في حياتها ،، مش متخيلة المنظر تحت المية

يعني الواحد من دول ،، كان بيبقا قاعد في بيتهم وجنبه طبق السوداني

بيتفرج على عالم البحار ،، التلفزيون على بعد 6 متر

وقاعد يقزقز ويتفرج على المية كده في التلفزيون ،، في بيتهم

يوم ما ينزل تحت الملية ، يُفاجأ إن حنة سمكة كده جاية ليه ، سمكة صغيرة جاية ناحيته بيتربع كأنها فك مفترس ،

عارف اللي بيتخض بيحصله إيه ؟؟؟

خد نفس من الإسطوانة جامد ، وكتمه
ما اللي بيتخض نفسه بيقف (شهقة كده) وراح طالع لفوق مرة واحدة
كده هيموت

تعال أقولك ليه ؟؟؟

إنت عارف آخر نفس كان واخده ، واخده من الإسطوانة ، الضغط جوا صدره دلوقتي عالي أوووي
بمجرد ما طلع فوق الملية ، فيه هواء بره
تخيل الضغط هنا عالي أوووي جوا الصدر ، وبره الضغط بقا واطي أوووي
حاجة قريب من إنه يفرقع

ال chest wall بيحصله expansion مفاجيء لبره
تفرقع ال pulmonary capillary وال alveoli
حبة من الهواء بتاع ال alveoli يمشوا في دمه
يعمله air embolism
جلطة هواء ، ويموت

تقولي : طيب تحت الملية ، مكنش فيه مشكلة
لأن تحت الملية ، الضغط عالي جوا صدرك ، والملية زائقة على صدرك من بره

إنت عارف فيه ناس ماتت وكانت بتغوص على عمق أد إيه وعملت الحركة دي كتمت نفسها فطلع مات ؟؟؟

يقولك : كان فيه ناس بتغوص على عمق 3 متر تحت الملية
كان بيغوص في التربة لا مؤاخدة
وفي الآخر مات ☹️

فيلم الفك المفترس ، الجزء الثاني
كنا حاضرينه في السينما ، المفروض الفيلم رعب ، بس قلب كوميدي

بس تعال أقولك ليه ؟؟؟

أجمل حاجة في السينما مش إنك تتابع الفيلم ، خلي ودانك مع اللي حواليك
التعليقات بقا ☺️

فيلم الفك المفترس الجزء الثاني دا ،
حصل إن فيه واحد كان بيتنفس بالسكوبا تحت الملية
فجأة الفك جاله ، طبعاً ده موقف مُرعب
راح كتم نفسه ، والضغط عالي بتاع الإسطوانة ،، وراح طالع لفوق بسرعة

لقينا ابتدى بؤه ، ينزل دم
المخرجين فاهمين ، بجيبوا ناس ليهم في الطب ويكلموهم
فعلاً ما هو ال sudden expansion << ال pulmonary capillary فرقت
وال alveoli ، فيه دم نزل

التعليق بقا بتاع الناس اللي حواليك ،،

يقولك : الفك المفترس عضه

يعني عضه في بؤه يعني !!! حاجة غريبة

كان حته تعليق ☺ ،، فجأة إحنا مرعوبين من المنظر

وطبعاً موتنا من الضحك طبعاً

دي air embolism

على فكرة المشكلة دي

يمكن تحصل في الأفاق كمان ،، بتاعت ال sudden expansion دي ؟؟؟

أه ،، الطائرة بتاعت الركاب اللي بتركبها ،،

الضغط فيها مضبوط

تخيل فجأة الكابينة فتحت ،، جوا صدرك دلوقتي ضغط عالي

فجأة حوالين صدرك ضغط واطي ،، الكابينة اتفتحت

يمكن يحصل ال sudden expansion دا ونشوف مشكلة ال air embolism بردو

نتمنى

أن لا نرى لا دي ولا دي ☺ إن شاء الله

تعالوا نروح لموضوع ثاني ،، إحنا النهاردا عندنا موضوعات زي من كل فيلم أغنية ،، حاجات كده مش ورا بعضها

Effect of exercise on respiration

الموضوع ده نظري فقط ،،

التمرين الرياضي ،، تفتكر اللي بيروح يجري ،، نفسه يحصله إيه ؟؟؟

يزيد طبعاً

تعال حكاية إزاي يزيد ،،

حاجات أخذناها بردو

مكتوب عندكم النفس بيزيد بطريقتين :

• يا metabolic

• يا neurogenic ،، يعني nerve impulse ،، يعني عن طريق إشارات عصبية

ركز معايا ،،

تفتكر اللي بيجري ،، مين هيزيد جواه علطول ؟؟؟ من ال chemicals مين يزيد فيه ؟؟؟

ال CO₂ tension

ومين يزيد كمان ؟؟؟

ال Hydrogen

ومين يقل ؟؟؟

ال oxygen tension

ال3 حاجات دول يعملوا إيه في النفس ؟؟؟

يزودوه

كلامكم صح لو التمرين severe

اقراً عندكم ،،

Moderate exercise أو Mild لو

الغازات دي مبتتغيرش جامد

مع ال severe exercise

stimulation of respiration الحاجات بتحصل ، وتعمل

تعالوا بقا للأماكن التي تبعت كهرباء وإنّ بتجري وتنشط النفس

يلا عشان عندي حاجات حلوة عايز أقولها لكم إن شاء الله

مكتوب عندكم فيه ست أماكن بيعتوا كهرباء وإن بتجري ينشطوا ليك النفس

واخذ بالك ،، إن كل اثنين مع بعض

واحد مع اثنين

ثلاثة وأربعة دخلتهم جوا

طلعت خمسة وستة بره

أول اثنين ،، كهرباء من فوق ،، كهرباء من تحت

فوق وتحت ???

« أه

بيقولك : قبل التمرين ، صدق أو لا تصدق

قبل التمرين ، قبل ما تقوم تجري ، مكتوب عندكم إن النفس بيزيد

cerebral cortex ال دا شغل

دا في الجماعة الرياضيين بجد

الشخص الرياضي وإن شاء الله في سنة تانية هنعلمكم شوية عن الطب الرياضي

متسمعش عن الدكتور أحمد ماهر طيب المنتخب ،، دكتور من بتاع المنتخب

تخصص مخصوص اسمه الطب الرياضي إن شاء الله هنكلمكم عنه في سنة تانية

هنقولك : إن الشخص الرياضي قبل ما يبتدى يجرى ، قبل ما يجرى نفسه بيزيد

يقوم بـحصل أوكسجين كثير عنك

عشان کده هو بيقدر يجري ويكمل

إنت لا

عشان أفهمكم قيمة التدريب ،،

أحكي لكم قصة صغيرة عن قيمة التدريب

يوم ما دخلنا الكلية دي زماااااان أووووي ،، أعلنوا عن يوم رياضي وإحنا في سنة أولى

وإحنا لسه جايين من ثانوي

قالک : الكلية مفیش ولا محاضرات ولا سکاشن ،، دا یوم ریاضی

حلو أووووي أووووي

لسه داخلين من الثانوى وفرحانين باليوم الرياضى

اليوم الرياضي دا كان فيه فقرات ،،

منهم مائشآت كورة ،، كان فيه كمان من ضمن الفقرات مارثون كده هيعملوه من عند باب طب أسنان
حتى الهرم الأكبر ،، آخر شارع الهرم
حوالي 12 كيلو
دا مارثون

المهم يعني ،، يومها الكلية قافلة بقا ،،
قولنا نيجي نشترك في الألعاب ،، الي جاي يومها بشورت ،، والي جاي يومها بترنج ،،
وطالعين من الثانوي كل واحد جايب العدة بتاعته بتاعت زمان

قولنا نشترك في المارثون
خلينا في المارثون حلو ،، كنا حوالي 400 واحد ،، ولا 450 يعني
إدونا (أعطوا لنا) أرقام زي بتاعت التلفزيون ،، عشان نعرف مين الي هيقابلنا في الهرم هناك

بدأنا من عند باب طب أسنان ،، 450 واحد
الي عدى كوبري الجامعة 150 ☺ والباقي رجع
بيقولولك : إن الي وصل أول شارع الهرم 3 ،، ركبوا تاكسي ورجعوا لينا ثاني ☺
مفيش تمرين ،، مفيش لياقة بدنية
مكملوش ،، هرم إيه الي بيحلموا بيه

تلاتة خدوا تاكسي ورجعوا
إحنا رجعنا بعد كوبري الجامعة
إرجع يا ابني خُد شنتتك وروح

فعايز أقولك إن الجماعة المتمرنين ،، قبل التمرين ما يبتدي
نفسهم بيزيد

طيب ،،
فيه كهرباء من فوق من ال hypothalamus مكتوب عندكم ،، حرارة ،،
إنت نسيت إن الحرارة بتنشط النفس
مش قولتلك بيلهث من الحر

بيقا أدي يا سيدي كهرباء من فوق
ال cerebral cortex وال hypothalamus

طيب ،،
إنت وإنت بتجري ،، مش فيه receptors في ال Muscles وال joints وال Ligaments بتشتغل
إسمهم إيه ؟؟؟
proprioceptors
بيبعث كهرباء من تحت

بيقا أول اتنين يتحفظوا مع بعض ،،
كهرباء من فوق ،، كهرباء من تحت يزودا ليك النفس

طبيب ،

اللي بيقوم بجري ، دم كثير بيرجع لل heart ، اسمه إيه ؟؟؟
venous return ال

ال receptors بتاعت ال right atrium كان بيشتغل لما دم كثير يرجع للقلب
دا بيعمل إيه في النفس ؟؟؟ بيزوده ولا بيقلله ؟؟؟
بيزوده

إسمه إيه ال reflex ده ؟؟؟ كان إسم خواجه

Harrison's reflex

هاريسون

اللي يرجعه دم كثير لل heart ، ال right atrium بيشتغل
فبيبعث ينشط النفس ،
اقرأ مكتوب عندكم Harrison's reflex

كمان اللي بيجري ودم كثير يرجع للقلب ،
دم كثير يروح للرئة ،
دم كثير جوا الرئة ، اسمها congestion
والواحد بيجري فيه دم كثير بيرجع ناحية الرئة
اسمها congestion

ما كان فيه receptors بيشتغل على ال congestion في ال Lung
J receptors

اللي هو إختصار ، juxta pulmonary capillary
ودا كمان بيسرع النفس

بيقا 3 و 4 يتحفظوا مع بعض
الأتين بيشتغلوا بزيادة ال venous return
• Harrison
• و J receptors

كمان سعادتك وإنت بتجري ، ال catecholamines عندك بتعلى ،
مين ال catecholamines ؟؟؟
adrenaline وال Noradrenaline
sympathetic

وأنا علمتك ال sympathetic بيسرع النفس ، من الحصة اللي فاتت
وكمان حرارتك بتعلى وإحنا قولناها فوق ودي كمان تسرع النفس

طبيب ،

والله لو جابوا سؤال زي ده ، ملكش حق تقول : دا عمره ما جه ، ونظري بس ، والله حقهم يجيبوه ، دا كله كلام معروف بس لمناه

طبيب «

Dyspnea

اكتب عليها نظري مهم ، جت مرة

Dys يعني إي في اللغة ؟؟؟

difficulty ، صعوبة

pnea يعني نفس

يبقا على بعضها اسمها dyspnea ، صعوبة النفس

ال حرف p silent

متضحكوش الناس عليكم في الشفوي

مسمهاش ديسبنيا ونقعد نعلك بقا اسمها ديسنيا

طبيب «

إنت عارف لو إنت ساكن في أول دور في بيتكم ،

أول دور ، أول بلكونة ، لو إنت النهاردا وإنت مرووح خدت الدور ده جري بسرعة

هتخش بيتكم حاسس إن نفسك سريع بس مش مضايق

أما إنت بقا لو ساكن في دور عالي شوية ، التالت أو الرابع

ساكن في الدور الرابع وخدت الأربع أدوار جري النهاردا وإنت مرووح

النفس هيزيد تلت مرات

يبقا كام مرة في الدقيقة ؟؟

36 مرة في الدقيقة

في الحالة دي هتخش بيتكم ، حاسس إن نفسك سريع

ومدايق جداً

تلاقيك مش قادر

هو دا تعريف ال dyspnea

اقرأ ، حاسس ومضايق ،

مكتوب عندكم consciousness (واعي ، حاسس)

و discomfortable يعني مش مستريح

دا حصل إمتي ؟؟؟ لما نفسك زاد كام مرة

3 مرات

مكتوب عندكم (tripled) بين قوسين

يعني لو نفسك زاد ثلاثة أضعاف

طبيب «

أنا مش عايز أدايقكم ، أنا هقولها ، لأن في حصص تانية ، محدش افترق تقريباً

كل المجموعات مكنوش يعرفوها ،

فيه حاجة اسمها معامل النهجان شفوي مهم ،، Dyspnoeic index
أنا هقولها عشان خاطرکم إنتم والجماعة الي نسيوا ،،

يسألوك في الشفوي تعرف معامل النهجان ؟؟؟

تعال أقولها لك ثاني ،،

فاكر حاجة اسمها MBC

maximal breathing capacity

كانت عبارة عن إيه ؟؟؟

أكبر حجم من الهواء ،، كلمة maximal

أكبر حجم هواء ،، سعادتك تقدر تأخذه أو تخرجه ،، ما هما الأثنين أد بعض في دقيقة

fastest deepest breathing بال

قولتك : دا من اختبارات الكفاءة البدنية

حتى قولتك مفيش بني آدم يقدر يعمل في دقيقة ،، بنعمله في ربع دقيقة (15 ثانية) ونضرب النتيجة في أربعة

السؤال الرخم ،، المحرج ،،

الواد كان كام والبنات كانت كام في الإختبار ده ؟؟؟

الواد كان من 80 إلى 170 لتر في الدقيقة الولاد

حتى قولتلكم ،،

بيغيظونا ،، كانت طول عمرها 80 وضعفها 160 لتر

خلوها 170 لتر في الدقيقة

والبنات كانت كام ؟؟؟

من 60 إلى 120 لتر في الدقيقة

كان الولد لو عمل التجربة دي ،، كان يعمل من 80 إلى 170 لتر في الدقيقة

البنات من 60 إلى 120 لتر في الدقيقة

قول عملتها لواحد فيكم مثلاً طلعت 100 لتر في الدقيقة

كويس ،،

كان فيه حاجة اسمها respiratory minute volume

الي هو وانت قاعد دلوقتي بتتنفس أد إيه هواء ؟؟

6 لتر

مش إنت بتتنفس 12 مرة

كل مرة بتأخذ tidal volume << نص لتر (500 ملي لتر هواء)

يبقا كام لتر على بعض ؟؟؟

6 لتر

12 X 500 ملي لتر = 6000 ملي لتر = 6 لتر

كل نفس نص لتر ،، معاك 12 نص جنيه ☺ عايز تصحهم جنيهات صحيحة

طلعوا كام؟؟؟

6 جنيه

الحمد لله ☺

لو شلت ده من ده

ال respiratory minute volume من ال Maximal breathing capacity

يطلعك الإحتياطي الي اسمه ، breathing reserve

الي هو في المثال بتاعي 94 لتر

الجماعة الي أول مرة يشوفوا الكلام ده

أحب أقولهم ، يعني إنتي وإنتي قاعدة دلوقتي ، بتأخدي هواء 6 لتر في الدقيقة

لكن ، لو عملتي مجهود وابتديتي تجري ، ممكن توصلي ل 100 لتر في الدقيقة

يعني الفرق ده ، هو الإحتياطي

إنتي عابشة بالسته لتر في الدقيقة

وعندك إحتياطي

معامل النهجان بقا ، لو قسمنا ال BR

إيه ال BR ده؟؟؟

ال breathing reserve

على ال MBC

maximal breathing capacity ال

في ال example الي معنا ،

ال breathing reserve << 94 لتر

وال maximal breathing capacity << 100 لتر

الشخص ال Normal

لازم النسبة دي تطلع فوق 90 %

معامل النهجان ال Normal

فوق التسعين

خلي بالك معايا ،

نفترض بقا واحد لقينا النسبة دي ، أقل من 70 %

شغل مخك ،

يعني إيه النسبة أقل من 70 %؟؟؟

يعني الإحتياطي دا قليل ،

ومتى يقل الإحتياطي من أي سلعة؟؟؟

لو الإستهلاك زاد

واحد بقا مش بيستهلك ستة لتر وهو قاعد ،، 40 لتر في الدقيقة
يعني بينهج من الآخر

بيقا أي واحد لو لقينا عنده النسبة ،، تحت السبعين في المية
دا بينهج علطول
اسمها dyspnea

كمان مرة ،،
تعريف معامل النهجان ،،
breathing reserve
على ال maximal breathing capacity

مين على مين ؟؟
ال breathing reserve
على ال maximal breathing capacity

ال Normal ،، النسبة أعلى من كام ؟؟؟
90 %

أقل من كام أقول العيان بينهج ؟؟؟
70 %
فهمتوا جت إزاي

يعني إيه واحد عنده 70 % ؟؟؟
يعني واحد عنده الإحتياطي قليل

ومتى يقل الإحتياطي في أي سلعة ؟؟؟
لو الإستهلاك زاد
يعني بتنهج

نشوف مع بعض أسباب النهجان في صفحة تانية من المذكرة تابع لبقية الموضوع

Causes of dyspnea

عيب يسألوك على أسباب النهجان ،،
تبتدي بحاجة غير ال respiration
عيب أووووي ،، يزعلوا منك أووووي

أول الأسباب عندك ال respiration
النهاردا الحمد لله فاضلنا ورقتين ونقل ال respiration

الفكرة ببساطة في ال respiration
إن فيه هواء بيخس جوا الرئتين ،، اسمها عملية ventilation

فيه دم مَعْدِي جوا الرئة ، اسمها عملية Perfusion
بيحصل diffusion لل gas ما بينهم
هي ال respiration كانت 3 عمليات

يبقا لما يسألك : **إيه الأسباب في ال respiration اللي بتعمل نهجان ؟؟؟**
تقولي :

- يا إما أمراض في ال ventilation
- يا إما في ال perfusion
- يا إما في ال diffusion

وأمرض ال ventilation ، كانت :
• يا Obstructive
• يا restrictive

خلص يا عم أول أسباب النهجان ،
عيوب في الرئة

عارف إيه المرض بتاع ال diffusion ؟؟؟
ال fibrosis

ال membrane تخن يا بابا

اللي المفروض تُخنه أد إيه في ال Normal ؟؟؟
0.2 ميكرون

بقا تخين ، بيقا في الآخر ، الشخص ده معندوش أوكسجين كفاية فينهج

طبيب «

فيه سبب تاني للنهجان بتوع ال Left sided heart failure

معرفش ليه كل يوم عمال أقولها ، أتمنى بقا إنها تعلق في دماغك
دي آخر مرة هنعولها ، متضحكوش علينا الناس
ال Left sided heart failure

بص كده ☺


أدي ال heart ، وأدي ال Lung أهى
تركيبة الدورة الدموية ، كده

الدم جاي من ال Lung رايح الناحية الشمال في ال heart

اللي عنده left sided heart failure

الناحية الشمال في القلب ، مش معناها إنها failure
إنها مبتتحركش ،

معناها مبتطلعش كمية دم كويسة ، يعني cardiac output وحش
ومش عارفة تستقبل الدم اللي جاي ليها من فوق



تفتكر طالما مش عارفين نستقبل الدم من فوق

الدم يتحوش فين؟؟؟

في ال Lung

اسمها congestion

ولو الدم كثير جوا ال lung بيتدي المية تخرج من الأوعية

وتعبي (تملأ) الرئة ، اسمها pulmonary edema

فاكر لما بيحصل congestion أو edema

ال receptors الي بيحبوه ومشهور في ال M.C.Q.

ال J receptors

الي عنده دم كثير أو مية كثير جوا الرئة

هل تنفسه shallow ولا deep؟؟؟

ما هو مفيش مكان يدخل فيه هواء

يبقا shallow respiration

ال receptor ده عشان يعوض ، يخليه rapid

يقوم العيان ده ، تنفسه shallow rapid

يبقا بينهج ، بس إنتوا فاهمين

هل النفس كونه rapid ، يعوض كونه shallow؟؟؟

لا ،

بسبب وجود مين؟؟؟

ال dead space

يا ابني ما هي دي أسئلة الشفوي

إنت بتلاقي نفسك عمال تجاوب في الشفوي حاجات كنت عمال تكررها في الحصة مليون مرة

هل النفس كونه rapid يعوض كونه shallow؟؟

لا ،

بسبب إيه يا ابني؟؟؟

ال dead space ، خلص السؤال

طيب ،

ال dead space ، الي هي الحتة الفوقانية ، الي مفيهاش gas exchange

الي لما بتنفس بسرعة ، إنت بتجدد الهواء الي فوق ده

وأنا عايز أجدد الي جوا

عشان الفوق دا ملوش قيمة عشان مفيهوش gas exchange

طيب ،

فيه إيه كمان بيعمل نهجان؟؟؟

ثمرة ثلاثة هتلاقي عندك general

إليه الحاجات ال general اللي مكتوبة عندكم؟؟؟

acidosis

اللي هي زيادة مين؟؟؟

hydrogen ال

زيادة ال CO₂ tension

نقص oxygen

الله ،،

مش التلاتة دول ،، هما ال chemical regulation of respiration ؟؟

أيون ،، التلت حاجات دول بيسرعوا النفس

يخلوك تنهج

تعال نشوف مرة أربعة ،،

حاجة نفسية ،، neurogenic ،، أو emotional

نهجان حالة نفسية !!!

أه ،،

أحكلك بقا

أحياناً في المحاضرات الكبيرة ،، وأكبر محاضرة هتشوفها إنت

هتكون قبل التخرج إن شاء الله

يعني قبل إمتحان البكالوريوس ،، اللي هيتعمل إن شاء الله الساعة تسعة الصبح

قبل الإمتحان بأسبوع

المهم ،،

المحاضرة دي هتلاقي حضرها ،، 1500 طالب عدد الدفعة بالظبط

يعني اللي عمرك ما شوفته دخل مدرج ،، هتشوفه دخل اليوم ده

هتفاجأ بناس معاك في الدفعة أول مرة تقابلها

المهم ،، كل الناس هتيجي

دا رئيس قسم الجراحة أو الباطنة هيقول الإمتحان ☺

دا هيقول سؤاين ،، دا مهم أوووي اليوم ده

المهم إليه اللي بيحصل في المدرج

المدرج بيسع 1000 طالب ،، قاعد فيه 1500

طالب أو طالبة في اللي قاعدين ،،

غالباً طالبة ،، تلاقيها فجأة حسست إن القاعة فيها عدد كبير من الناس

يظهر الأوكسجين قليل على الموجودين ،، هي بتفكر

فتبتدي لوحدها كده تطمع بقا

عايزة تأخذ حبة أوكسجين أد الباقيين

فتلاقيها عمالة تتنفس ،، بتأخذ أكثر ،، حالة نفسية

طبعاً الموضوع بيقرب بغم بعد شوية ،،

ليه ؟؟

لما بتتنفس بسرعة ،، بتأخذ أوكسجين أيوة

بس بتطرد مين ؟؟؟

ال CO_2

ودا حمض ،، يحصلها alkalosis

وفي سنة تانية إن شاء الله هنعلمكم إن ال alkalosis بيعمل tetany

تشنجات

تبتدي تشنج وتقع في الأرض مننا

طبعاً دي علاجها سهل أوووي

يدولها كيس صغير ،، تتنفس فيه

متدهاش قلمين عيب يا راجل ☺

كيس صغير كده ،، تحطه حوالين دماغها ☺

تأخذها نفسين ثلاثة منه

ال CO_2 يتحوش وبيتدي يعمل stimulation لل respiration كويس

المهم ،،

إن دي غريبة أووي الجماعة اللي عندهم الحالة النفسية دي ميحصلوش وهو قاعد في أوضته

لازم في وجود audience (وجود ناس كتيرة)

ومكان زي ما حكيتلك كده مدرج ،، أوكسجين قليل شوية

طيب ،، انزل لنمرة خمسة معايا آخر سبب للنهجان

ال Metabolism عالي

يا أولاد ،، دا أنا قولتها لكم في ال chemical regulation

لما يزيد ال metabolic rate

كان بيحصل إيه في ال respiratory rate علطول ؟؟؟

يزيد

مش دي كانت نقطة من الثلاثة بتوع المقدمة

خلاص آخر مرات بقولها ،، هنراجعها آخر مرة

أصل ال metabolism لما يزيد ،، مين بيزيد معاك ؟؟؟

ال CO_2 tension

ومين يزيد كمان ؟؟؟

ال hydrogen

ومين يقل ؟؟

ال oxygen tension

ودي حاجات بتعمل إيه في ال respiration ؟؟

stimulation

مكتوب عندكم في المذكرة ،

فيه مرضين مشهورين أوووي بينشطوا ال Metabolism :

• fever

يعني إيه fever ???

حمى ، ارتفاع الحرارة

• ومرض الغدة الدرقية ، hyper thyroidism

Hyper يعني زيادة

thyroidism يعني مرض في الغدة الدرقية

إيه دا !! الغدة دي بتنشط ال Metabolism ??? الدكتور ناجي إن شاء الله لما يشرح فرع ال endocrine في سنة تانية

هيحكيلك عن الغدة دي في ال endocrine في سنة تانية إن شاء الله

وهيقولك : إن ال thyroid gland دي ،

شغالة جوا الجسم تحت شعار : ولعها ولع ، شعلها شعل ☺ أغنية حسن الأسمر

فيه سخان ، يطلع حرارة

الي عنده الغدة دي شغالة جامد

كأنه زي العيان ال feverish

العيان السخن الي مولع نار ده ، نفسه سريع

طيب ،

orthopnea

اكتب عليها نظري مهم ،

يعني إيه ortho ???

صحيح أو مستقيم

Ortho يعني مستقيم

pnea يعني النفس

Orthopnea ، النفس المتعلق بالوضع المستقيم

بص لي لحظة لو سمحت ☺

دا عيان غريب أوووي يا أولاد ،


عيان ينام على ظهره ، نفسه ينهج ، مش قادر

يضطر يقوم يقعد يستريح

إيه دا ???

يعني يقعد كده بالعرض مستقيم ، ينهج

يضطر يقوم يقعد عشان يستريح



بص على الرسمة ، الزبون نايم على الشمال على ظهره

شايف بطنه طالعة إزاي ، مش مستريح وزعلان

حتى باين علامات الحزن على وشه

لما قعد على إيدك اليمين ،
إنسجم ، ، وماسك في إيده جريدة الصباح بيقراً فيها
شايف الجورنال ☺ ، ، إنسجم لما قعد

عارف اللي يقولك : العيان ينهج لو رقد ، ، يستريح لو قام قعد
left sided heart failure دا من غير ما أكشف ، ،

الحركة اللي بحكيها لك دي ، ،
left sided heart failure
إسمعنا ؟؟؟

مريض ال left sided heart failure لما ينام على ظهره ، ، إنت لغيت تأثير الجاذبية كده يا بابا على ال veins بتاعت رجليه
الدم اللي راجع للقلب ، ، يزيد ولا يقل ؟؟؟
(الطلبة متحيرة في الإجابة ومش عارفة تقول يزيد ولا يقل ☹)

تفتكر لو واحد رقد ، ، أنا واقف كده ، ، الدم المفروض بيتشد لتحت بالجاذبية
تفتكر بقا لما ينام ، ، الدم اللي راجع لل heart يحصله إيه ؟؟؟
يزيد

يقوم الدم اللي رايح لل lung عنده يزيد
اللي هي already مليانة دم من الأول
ال receptors J تشتغل أكثر
تخليه ينهج زيادة
يقوم يضطر يقعد عشان يستريح

يبقا دا عيان بينهج ، ، لو راقد
يقعد يستريح

اللي يبص في المذكرة ، ، يلاقي مكتوب rapidly adapting
ويلاقي مكتوب تحتها ال receptors J
دول مش حاجتين
دا ال receptors J دا rapidly adapting عشان بس لما تفتح المذكرة متتلخبطش يعني
خلي ال rapidly adapting بين قوسين

لينا جار ، ، إبنه في سني أنا ، ، كبير يعني
الراجل دا عنده Left sided heart failure من سنة 86
يعني عايز أقولك الناس دي مع العلاج ميموتش بكرة
يعني ناس عايشة معنا
بيأخذ أدوية ، ، ودكتور ناجي هيحكلكم إن شاء الله ، ، بيأخذ حاجة اسمها digoxin ومدرات للبول
وهيحكلك شوية حاجات إن شاء الله

المهم ، ،
جارنا ده اللي عنده left sided heart failure

من سنة 1986

إلى الآن بينام وهو قاعد

أيون ، ما هو لو نام على ظهره ، دم كثير يرجعه للقلب ، لل Lung يتخفق يقوم يقعد

كثير أخش عليه ، ألاقه قاعد في أوضته ، جايب المخدات أدامه حاطط إيديه عليهم كده ، ونايم على إيديه دا كُتب عليه إنه هينام كده

طيب ،

لو حد ريج ظهره لورا ؟؟؟

يحطوله ورا ظهره أربع ، خمس مخدات يعني ينام بردو على مخدات عالية كده ما هو لو رقد ، تحصله ال orthopnea يضطر إنه يقوم يصحى من النوم

أنا عايز أقولك : تخيل ده ، بقاله كام سنة ، مش عارف ينام ليلة على ظهره اللي إحنا عادي جداً تخش وترمي نفسك على السرير وتنام الصحة تاج على رؤوس الأصحاء ، لا يراه إلا المرضى الشخص ده أمله إنه ينام زينا كده مستقيم هو معندوش الفرصة دي (الحمد لله رب العالمين)

طيب ،،

على الصفحة ما قبل الأخيرة في المذكرة بتاعت ال respiration فيه كذا موضوع صغير كده ، هنقولهم إن شاء الله ، اكتب عليهم شفوي وعملي و M.C.Q. أنا بخاف من الحاجات اللي في الآخر ، الطالب بيزهق من المذاكرة ، يعني يا ريت تركزوا في الشرح في النقط دي لو سمحتم

Asphyxia الإختناق

حد فاك ، لما سألتكم المرة اللي فاتت السؤال الشفوي

إيه الفرق ما بين ال asphyxia وما بين ال hypoxia ؟؟؟

ال Hypoxia يعني قلة الأوكسجين بس

طيب ،، وال asphyxia ؟؟؟

- قلة أوكسجين
- زيادة CO₂
- وزيادة الهيدروجين

معايا ،، على الله تغلطوا فيها في الشفوي ،، عشان أقتلكم وأغسل عاركم ☺

إيه الفرق بين hypoxia ، و asphyxia ؟؟؟

الخنق تلت حاجات ،،

أوكسجين قليل ،، CO₂ عالي ،، وهيدروجين عالي
إل hypoxia ،، أوكسجين قليل بس
معاي كده

أسباب الإختناق خمس حاجات : مرتبين على حروف ABCDE
تجربوا الحاجات دي إنتوا

١. أول سبب Airway obstruction

أه ،، واحد كتمت على زومارة رقبتة ،، منعنا دخول الهواء
الطبيب الشرعي يقولك : توفي المذكور نتيجة أسفكسيا الخنق
واحد داس على زومارة ☺ رقبتة ،، الهواء مدخلش فاتخنق
أدي أول سبب للإختناق

٢. ثاني سبب bilateral pneumo thorax

ال pneumo thorax على الناحيتين ،،

يعني إيه Pneumo thorax ؟؟؟

هواء ما بين طبقتين ال pleura

مين فاكر ☺

لو واحد غزينا ،، نظام الليمبي ،، دخلنا ليه هواء ما بين طبقتين ال pleura

معدش الضغط Negative

ال Lung بيحصلها إيه علطول ؟؟؟

collapse

تخيل بقا واحد غزينا هنا ،، وهنا

الرئة اتطبقت على الناحيتين ،، bilateral على الناحيتين

دا مات علطول ده ،، مش هيتنفس

٣. closed system breathing

العيال الصغرين ،، تشتري أي حاجة في البيت ،، أي حاجة يكون كيسها كبير شوية

زي الكيس بتاع المروحة ،،

تلاقي العيال سايبك إنت تأخذ الحاجة اللي نفسك فيها ،، مخه هو مع الكيس ده

يا أخي كل العيال بيعملوا كده

يعني إنت جايب مروحة ،، جايب أي حاجة ،، إن شاء الله كيس أد إيه كده حتى

هو مخه مع الكيس ،، تلتفت وتطلع بره الأوضة ،، تلاقيه هو قاعد جوا الكيس ومقفل عليه من كل ناحية وقاعد منسجم جوا

هيتخنق ،، دا سبب مشهور أووووي

عشان كده كتبوا على الأكياس ،، تشيلها بعيد عن العيال الصغرين

حتى لو بقولك كيس أد إيديك

العيال بيفضل بيحشر دماغه جوا الكيس

٤. على D ،، ال Drowning ،، الغرق

يقولك : تُوفي في الحادث إثر أسفكسيا الغرق
عايز أصلحككم معلومة ،
إنتوا فاكربين الي مات غرقان دا ، يعني الرئة مية المية اتملت مية على الأخرة
في معظم الأحوال صح ، بس مش كل الأحوال

فيه ناس ماتت غرقى ، الطب الشرعي لما شرحوهم
اكتشفوا إن مفيش ولا نقطة مية جوا ال lung
الله ،

أومال ماتوا ليه ؟؟؟

يقولك : مع هول الحادثة ، تخيل واحد العربية هتطير بيه ونازل جوا التربة
أظن يعني مش قادر يطلع باكو البسكويت ويأكل والعربية نازلة جوا التربة
ولا يقفل الراديو وهو نازل

الصدمة الرهيبة دي ، بتعمل spasm في ال vocal cords
الأحبال الصوتية بتقرب من بعض وبتقفل

تخيل إنت ، فوهة البالونة قفلت ،
الشخص ده الهواء لا هيخش ولا هيخرج ، يموت مخنوق كده
ومن غير ولا نقطة مية تخش جوا ال Lung بتاعته

يبقا مش عايزك تحط في بالك إن الغرقان ده ، يعني الناس هتمسكه من رجليه ينزل مية من بؤه
الشخص ده ممكن يموت ، ب spasm vocal cords

٥. ال diaphragmatic paralysis

كمان حاجة بحرف ال D
أهم عضلة في ال respiration اتشلت ، البني آدم يموت مخنوق (أسفكسيا)

مين أهم عضلة ؟؟؟

ال diaphragm

كان مسؤول عن كام في المية ؟؟؟

75 %

الفكرة دي مشهورة ،
تلاقي واحد بيخنق واحد بطريقة غريبة ، تلاقي واحد راح نط على ظهر الي أدامه
وماسكه جامد أوووي من بطنه ويزنق
كده بيخنقه ،

إيه ده !!! بيتخنق من بطنه ؟؟ يا دي الفضيحة ؟؟؟

أه ، لما يزنق على بطنه جامد ، كدا ال diaphragm مش هينزل
ال diaphragm مش هيعرف يتحرك
النفس هيقف بتاع البني آدم

يبقا دي طريقة للخنق ، بس فضيحة شوية ، دا خنقوه من بطنه ، ال diaphragmatic paralysis

إليه التأثير بتاع الخنق؟؟؟ changes

إنتوا لسه قايلين التعريف بتاع ال asphyxia قولوه كمان مرة ،

كان تلت حاجات ،، الي هما

- قلة أوكسجين

- زيادة CO₂

- وزيادة الهيدورجين

حطهم يا ابني واكتب شفوي مهم ،، الله يكرمكم بتتسأل كثير ال asphyxia وال Hypoxia حرام تنزلوا مرة فيهم

بيقولك : الشخص الي بتخنقه ،، ال catecholamines بتعل في دمه

ال catecholamines الي هو مين؟؟؟

ال adrenaline وال Noradrenaline

إذا مكنش ال sympathetic يشتغل وواحد بيخنقني ،، بتاع ال fight وال flight أومال هيشغل إمتى إن شاء الله !!

ومش كده وبس

ضغطك بيعلى ،، ال arterial blood pressure بيعلى

تلاقي دايماً في الأفلام العربي ،، واحد بيخنقه

تلاقي الشخص الي بيتخنق ،، ال catecholamines ابتدت تعل عنده ما هو ضغطه عالي ،،

تلاقيه ابتدى يزح في الشخص الي بيخنقه ،، وبيحاول يقاوم

ال arterial blood pressure بيعلى مع الخنق

طبعاً لو الزبون ده فضلنا خايقينه فترة أطول

تلاقيه في الأفلام بعد ما كان بيقاوم ،، هدي ،، كده ضغطه وقع علطول

كده ضغطه نزل جامد بقا

يقولك : مع الإختناق الأول النفس يوقف

وفي الآخر القلب يوقف

بتيجي في ال M.C.Q. مين الي بيوقف الأول

الأول النفس ،، بيوقف

والقلب يكمل كامل لفة كده ،، وبعدين هو كمان يوقف

أنا عايزك تفهم ،، الترتيب دي لو اقتنعت بيها عمرك ما هتنساها إن شاء الله

المهم أقنعك

أنا عايزك تتخيل العكس ،، واحد مخنوق والقلب هو الي وقف في الأول

نفسه شغال لوحده ،، إيه قيمته؟؟ إيه قيمة إن النفس داخل طالع ،، ومفيش دم رايح للرئة يشيل ال oxygen ده؟؟

ولا حاجة ،، إنما كون إن النفس يوقف الأول

القلب يقعد شغال شوية ،، إنتوا نسيتموا إن ال venous blood كان فيه oxygen
مش قولنا كان فيه 19.4 في ال arterial

ال tissue أخذ منهم كام؟؟

5.4

ال venous رجع بكام؟؟؟

14

ال venous blood لسه فيه حبة أوكسجين
القلب بيمرر الدم ده ،، عدد مرات كده على الأنسجة ،، دقيقتين تلاتة ،، لغاية ما الأوكسجين اللي ال venous blood هو كمان يخلص
وفي الحالة دي القلب هو كمان يوقف

يبقا مين اللي بيوقف الأول مع الإختناق؟؟؟

ال respiration

عايزك تتخيل ،، أصل القلب لو وقف هو الأول ،، يبقا النفس ملوش قيمة ،، طالع داخل بيعمل إيه؟؟؟
مفيش دم رايح للرئة

إمها النفس يوقف الأول ،، والقلب يكمل

القلب يحاول يمرر ال venous blood لأن فيه oxygen كذا مرة على ال tissue
لغاية ما يخلص

طيب ،،

يبقا مين اللي بيوقف الأول؟؟؟

ال respiration

لو حاولت تغلط فيها في ال M.C.Q. ،،

please ،، اقنع نفسك بيها في الإمتحان ،، يعني الأول فكر فيها ،، هتعرف تجيب الإجابة إن شاء الله
قول : هو أقنعنا في الحصة ،،

لو واحد وقف الثاني ملوش قيمة في الحالة دي

Apnea

حد عارف يعني إيه apnea؟؟؟

stoppage of respiration ،، توقف النفس ،،

قولي خمس أسباب لل apnea غير ال Lung irritant

مش عايز ال Lung irritant ،، عايز خمسة غيره؟؟؟

- ال swallowing apnea
- adrenaline apnea
- vomiting apnea
- voluntary apnea
- following voluntary hyper ventilation
- apnea with cheyne stokes respiration
- sleep apnea

فيه عندكم حاجات جديدة ،، هنقولهم إن شاء الله
حاجة اسمها Cheyne stoke breathing
اصبروا دقيقتين إن شاء الله

ونشوف موضوع ال sleep apnea
القصة دي مهمة أوووي يا أولاد ،،
المشكلة دي أساساً بره ،، بس فعلاً خطر ،، **اشمعنا المرض ده يجي كتير بره ؟؟**
أقولك ليه ،،
أولاً المرض ده ليه مواصفات ،، اللي هو الشخص وهو نايم بيحس إنه هيتخنق
ليه مواصفات معينة العيان ده ،،
أولاً يكون شخص مليان أوووي (obese جامد)
ما إحنا عندنا في مصر موجودة ناس ملايين

استنى بس أقولك بقية المواصفات ،،
بيشربوا كحوليات كتيرة قبل النوم ،، ودي بتعمل inhibition of respiration
وبيبطلع كمان قرصين منوم ،، وده كمان بيعمل inhibition of respiration
وينام على ظهره

ال fat يكون كابس شوية على القفص الصدري ،، مبيديش ليه حرية الحركة
كمان مع الكحول والأقراص المنومة ،،
وهو نايم (مش كل الناس ،، بعضهم يعني)
بيحصله relaxation في عضلات النفس
يقوم نفسه يوقف ،، فيتخنق ،، تلاقيه قام مفزوع من النوم

صدق أو لا تصدق ،،
إنت عارف الناس اللي عندهم المرض دا ،، بيجيلهم كام نوبة إختناق وهو نايمين في الليلة الواحدة ؟؟؟
والله أنا قرئت الرقم مرة ،، قولت النظارة مش سليمة ولا إيه ؟!!!
مسحتها وقرئت بيها تاني ،، لقيت من 450 إلى 600 مرة في الليلة بيتخنق
بيقا مبينامش ،،
عارف تكون النتيجة إيه ؟؟؟
تاني يوم وهو ماشي في الشارع ،، سايق عربيته ،، يعمل حوادث فجأة بينعس

عشان كده أهم حاجة يهتموا بيها بره ،، الناس دول
نبقا نعالجه على مهله ،، يبطل يشرب كحول والكلام من ده
نوقفه عن قيادة السيارات

أول حاجة إنت بتعملها كطبيب ،، مش إني أعالج الأفندي اللي عنده sleep apnea
هو نقوله نعالجك على مهلك
علاجك سهل ،، بطل كحول ،، والحاجات المنومة ،، ونام على جنبك ،، وخس شوية
أهم حاجة يشيلوا منه الرخصة

يا سلاااام ،، شوف خايفين لتاني يوم يعمل حادثة ،، وهو ماشي
إحنا هنا بقا الناس بتأخذ الرخصة ،، قبل ما تعرف تسوق أساساً ويكون عندك عربية

أخرها ،، الي هي كانت بتمتحن قريب في قسم العجوزة في القيادة
داست الطابط واتنين عساكر وهي بتمتحن قيادة

أنا عايزك تتخيل يا بابا ،، إمتحان القيادة ده ،،
واحد بيسوق من الحيطه دي وبيقدر يرجع بظهر
قال : داست الطابط وإثنين عساكر !!!
ويقولك : اختفت عقب الحادثة ،، إختفت إيه !!! إهمال ما بعده إهمال

بره ،،
دا أول حاجة نوقفه عن القيادة ،، لغاية ما يخف في ست شهور ولا حاجة
نرجعه الرخصة تاني
بس مبقاش صاحي طول الليل ،، فجأة ينعس على طريق سريع يلبس خمسين عربية في بعض
نشيل منه الرخصة أسهل وأمن ليه ولغيره

طيب ،،
فيه حاجة اسمها periodic breathing
يعني بعد ال apnea يجي hyperpnea
وبعد ال Hyperpnea يجي apnea

ال periodic breathing ،، دا :
• يا سببه حاجات physiological
• يا عكسها تبقا pathological

بصوا يا أولاد ،،
لو سبب ال periodic breathing << pathological
هنسميها Cheyne stoke breathing
طبعاً الجماعة بتوعنا في الشفوي غاويين خواجات ،،
غاويين الأسامي دي

جنب ال pathological
Cheyne stoke breathing ال

هما بقا يجيبوك من الآخر ،،
يقولك : سمعت عن ال Cheyne stoke breathing ؟؟؟
وجيبها لك من آخر صفحة في الكتاب
قوله : لو سبب ال periodic breathing مرض
زي ما هنحكي إن شاء الله

حد ممكن يقولي ،، حالات فسيولوجية ،، فيها periodic breathing أخذناها ؟؟؟
النهاردا مش حكيينا الي راح المكسيك أول أربع أيام ،، Hyperventilation
لغاية مين حل لنا المشكلة ؟؟؟ ال Kidney جزاها الله خيراً

فيه حاجة قولناها المرة اللي فاتت ؟؟ حاجة بردو أخذناها فيها ؟؟؟ periodic breathing

ال voluntary hyperpnea يا أخي

مش أي واحد لو سَرع نفسه ،، بعديها لازم يجي فترة apnea

دي physiological

فيه سبب تالت ،، ال babies الصغيرين ،، وخصوصاً ال Pre mature
العيال غير مكتملي النمو ،، اللي هما في المستشفى ،، يقولك : الأطفال المبتسرين ،، مش المبتسرين (دا لبن ☺)
المبتسرين ،، غير مكتملي النمو

الطفل الصغير ،، أحياناً بيتولد بيبقا عنده DRG وال VRG والأبنيوستيك والنيموتاكسيك مش مضبوطة عنده

فتلاقي الطفل الصغير أحياناً بعد الولادة علطول ،، يرعبك في المستشفى ،،

تلاقيك تبص عليه وهو نايم ،، تلاقي نفسه وقف ،،

نفسه لما يوقف ،، ما هو لسه عنده مراكز النفس مش مضبوطة

مين هيزيد جواه ؟؟؟

ال CO₂

وده هيعمل إيه في ال respiration ؟؟؟

stimulation

تلاقيه بعد ما نفسه وقف شوية ،، تلاقي نفسه اشتغل

تقول الحمد لله ،، دا فاق

تبص لعيال تاني ،، ما أنت في نبطشية وطول الليل جنبهم (في حضانة ولا رعاية)

تلاقي نفسه وقف وهو نايم apnea أهـي

مين هيزيد عنده ؟؟

ال CO₂

يعمله إيه ؟؟؟

stimulation of respiration

يروح يتنفس

طول ما أنت قاعد طول الليل كده ،، العيال الصغيرين وخصوصاً ال Pre mature

لو عيل نفسه وقف ومرجعش بقا ،، دا مات

أشهر سبب يموت العيال الصغيرين في أول شهر ،، sudden infant death syndrome

ودا متوقعوش ،، كل العيال نفسها بيوقف ويرجع ،، دا واحد نفسه وقف ومرجعش ،، خلاص يجيبوا غيره بقا

خلاص دا مات

إيه بقا الأمراض اللي تعمل periodic breathing ؟؟؟

واحد خد خبطة في دماغه (مكتوب في المذكرة brain damage)

واحد عمل حادثة وخذ خبطة في دماغه

واحد عنده Uremia

emia يعني إيه في اللغة ؟؟؟

دم

urea الي هي مادة البوليما ،
تسمع عن الجماعة بتوع الفشل الكلوي ، يقولك : دا عندهم مادة البوليما عالية
مادة ال urea عالية

بيقا ال uremia دي ، من الآخر ، السموم بتاعت الفشل الكلوي
الي هي اسمها ال Urea (البوليما)

الي عنده congestive heart failure

إيه الي عنده brain damage ، الي عنده uremia ، الي عنده Heart failure
مالهم الثلاثة دول ؟؟؟

بصوا لو سمحتم ، الي مخبوط في دماغه ، أو عنده فشل كلوي (فيه سموم في دمه)
ال central chemo receptors عندهم معدتش شغالة
السموم معطلها ، أو الخبطة عطلتها

ال central chemo receptors دي بتشتغل مين ؟؟؟

ال CO₂
عشان كده مكتوبلك تحت أول سببين ،
ال CO₂ sensitivity قلت
ما هو خلاص يا بابا ، ال central انضربوا

حد فاكر ال CO₂ كان كام في المية من شغله هنا ؟؟؟
80 %

الي عنده Heart failure مفيش دم كفاية رايح لمخه ،
بردو ال central chemo receptors عطلانة

من الآخر كده ،
الي مخبوط في دماغه ، الي عنده فشل كلوي ، الي عنده فشل في القلب
ال central chemo receptors مش شغال عنده

العيان شغال مين ؟؟؟
ال Peripheral chemo receptors بس

العيان ده عايش من غير بقا ما نعالج ليه الفشل الكلوي ولا ال heart failure ، شغال بال peripheral بس
ركز معايا الله يكرمك ،

الأوكسجين لما يوطى في دم العيان ، ال Peripheral يشتغلوا
يعملوا إيه في ال respiration ؟؟؟
يزودوه

ولما النفس يزد ، يحصل إيه في الأوكسجين ؟؟؟
يزيد

وده يعمل إيه في ال respiration ؟؟؟

slight inhibition

تلاقي العيان بعد ما نفسه سرّع ، توقف شوية
نعيد من الأول ،

لما نفسه وقف ، حصل إيه في الأوكسجين ؟؟؟

قل ،

يقوم نفسه حصله زاد

يقوم نفسه يقف لما الأوكسجين يزيد

يقوم العيان تلاقيه تنفس تبادلي على الحال ده ، لغاية ما تعالجه السبب

صلحه ال Heart failure بدواء ، عمله غسيل كلي ،

في سنة تانية إن شاء الله هنعيلكم غسيل الكلى مش بالليفة والصابونة

غسيل الكلى دا جهاز هنعيلكم عنه في سنة تانية ، حاجة كده أد نص العربية

إن شاء الله في سنة تانية

دا يبقى تنفس تبادلي نتيجة pathology

تعالوا بقا للصفحة الأخيرة من مذكرة ال respiration

شفوي

Artificial respiration

التنفس الصناعي ،

ثلاثة أخرهم قبلة الحياة ، خليها للأخر نأخذها ونختم إن شاء الله ، شفوي

واحد في عملية نفسه وقف ، حاجة مفاجأة أهي ، acute

بروز لي كلمة acute

acute يعني حاجة حادة ، موقف مفاجيء حصل

واحد كنا بنعمله عملية ، نفسه وقف مرة واحدة

acute respiratory failure

إن شاء الله منكم الي هيشغل في التخدير ، بتوع ال anaesthesia

علطول يا أولاد دكتور التخدير بيعمل حاجة في الي نفسه وقف في العملية ، أنا هحكلك شوية تفاصيل زيادة

يروح جايب أنبوبة اسمها endotracheal tube

ينزلها من بوء العيان لل trachea

الله ، مبيكحش ؟؟؟

ما هو المتبنج ده ، ال cough reflex مش موجود

إحنا اتفقنا ، لو رزاية (أرز) وقعت في ال trachea

الواحد يفضل يكح لغاية ما يطردها

المتبنج ده معندوش coughing reflex

دكتور التخدير بيحط أنبوبة جوا ال trachea علطول

طرف الأنبوبة من بره على بوء العيان
يجيب البتاعة السودا بتاعت الأفلام اسمها الأمبو باج
وفيها المنفاخ الأسود ولا الأخضر حسب التلفزيون عندك متلون إيه ☺

الدكتور بتاع التخدير بيحط البتاعة دي على طرف الأنبوبة
بيروح نافخ هواء جوا صدر المريض ، ويسكت
عشان يدي فرصة للعيان يعمل passive expiration

بيروح نافخ ثاني هواء في البالونة دي ،
ويدي فرصة للعيان ، إن الصدر يضيق ويروح طارد الهواء

ما هو دكتور التخدير مش هيفضل ينفخ ورا بعضه ،
ويفرقع الرئة في الآخر
لازم يدي فرصة لل expiration إنه يحصل

يقعد على الحال دا ، لغاية ما نفس العيان يرجع ثاني
يعني يأخذه نص ساعة ، ساعة إلا ربع لغاية ما يرجع ثاني

المهم خلي بالك ،
في الطريقة دي إحنا عملنا إيه ؟؟؟
الدكتور بتاع التخدير ، هو اللي بيدخل الهواء بإيديه جوا صدر العيان
من الآخر ، إحنا بالطريقة دي إحنا بننفخ العيان
إحنا اللي بندخله هواء ، بنعمله جوا صدره positive pressure
مش إنت بتزق الهواء ،

طبيب ،
الدكتور بينفخ ويبسكت ، بينفخ ويبسكت
يبقا اسمها intermittent
شوف مكتوبة في المذكرة intermittent positive pressure
فهمتوا ليه Positive ؟؟؟
أصل أنا اللي بدخل الهواء جوا صدر العيان

intermittent
يعني طريقة متقطعة

طبيب ،
حد يعرف إيه هو ال Poliomyelitis ؟؟؟
شلل الأطفال
شلل الأطفال اسمه Poliomyelitis
دا سببه فيروس ، شلل الأطفال دا

في شلل الأطفال يا أولاد ، إنتوا بتشوفوا في الشارع ، يا إما دراع مشلول ، يا الرجل مشلوله ، في الآخر

ثبت في سنن الترمذي وابن ماجه أن النبي " صلى الله عليه وسلم قال " أفضل الذكر : لا إله إلا الله ، وأفضل الدعاء : الحمد لله " قال تعالى " لئن شكرتم لأزيدنكم "

تخيل لو عمل negative pressure مرة ،
أنا علمتك مرة قبل كده إن الضغط ال negative ،، بيشفط ناحيته ،، بيعمل suction
لما أعمل negative pressure حوالين صدر العيل ،، هيشفط صدره معاه (ال negative pressure)
يقوم الهواء داخل من بوء العيل ،،
تخيل القفص الصدري بنوسعه غصب عنه
فالهواء يروح داخل

الضغط ال negative دا بقا ،، يقف
يقوم العيل يطرد الهواء بال expiration

إحنا بقا ظابطين التابوت ده ،،
يعمل 12 مرة في الدقيقة ،، negative pressure حوالين صدر العيل

أقولها ثاني ،،

تخيل العيل نايم جوا ،،
الضغط حوالين صدره ،، بقا negative
الضغط ال negative يروح شادد القفص الصدري ،،
يقوم الهواء يروح داخل صدره

الضغط ال negative هيقف ،،
فالعيل يروح مفضي الهواء الي داخل صدره ،، passive expiration

كام مرة في الدقيقة على الحال ده ؟؟؟
12 مرة

يبقا خلي بالك في الطريقة دي
إحنا بنعمل ضغط negative ،، شوية أه ،، وشوية لا
عشان كده سموا برودو الطريقة intermittent
intermittent negative pressure
خلي بالك من حكاية Negative و positive
يبقا العيل ،، بتاع شلل الأطفال ،، إحنا بنعمل ال negative حوالين صدره << intermittent negative pressure

أومال الجذع بتاع ال acute respiratory failure عملناه إيه ؟؟
intermittent positive pressure
فهمت الفرق

تعال بقا في قبلة الحياة Mouth to mouth breathing

تخيل إنت في يوم خلصت كليتك ،، قاعد على الشط في يوم (إنت والعائلة)
فجأة سمعت صوت غريييييييييق ،، غريييييييييق
يا جماعة مفيش دكتور

طبعاً ، أنت علطول روح قائم ، أنا جايلكم ، دا أنا نفسي فيها طول عمري
طبعاً خدوك من إيدك بسرعة ، ما أنت اللي قولت إنك دكتور


خدوك من إيدك قالولك : إلحق الراجل شوفناه غرقان في المية
طبعاً إنت الراجل أدامك دلوقتي ، قلبه شغال ، وعلى فكرة الناس بتقوم بالواجب قبل ما تيجي
بيقعدوا يدلّقوا المية اللي فيه ، ويدوسوا عليه ، ويخرجوا ليك المية
إنت عليك قصة إنك ترجع نفسه

الجدع ده ، قلبه شغال بس نفسه وقف
إلحق لنا ده بقا

طبعاً ، إنت لو عايز تخلص علطول ،
روح مميل على بؤه ، عايز تديله نفسين وتخلص
ممكّن تقضي عليه

ليه ؟؟؟

مش جايز يكون بؤه فيه أعشان من البحر ، ولا بالع سمكة صغيرة من الأول
بحيث إنك عمال تنفخ ، تنفخ ، عمال تحشرهم جوا زيادة



يبقا أول حاجة ، حط صباعك جوا بؤه ، لو أي حاجة في بؤه تشيلها ليه

لو روح بعد ما نضفت بؤه ، وقولت ابتدي أنفخ
فيه مشكلة في الناس الغرقانين ، بيبقا عندهم ال tongue اتحدف على ورا ،
فدي مشكلة

لو قعدت أنفخ في بؤه وال tongue راجع لورا ، الهواء مش هيخس

هتشد الفك كله لأدام ، **إزاي ؟؟؟**

تحس صُباعك في بؤه العيان لو مفتوح وتُجر الفك على أدام

زي الرسمة المرسومة عندك

كده إنت بتجر الفك لأدام بال tongue معاه ،

طيب ،

لو بؤه العيان مقفول جامد ، متحشرش بقا صُباعك ما بين أسنانه ،

وإلا في الآخر يعني ، العيان مفقش ، ويوده على المستشفى وإنت معاه

عشان صباعك ☺

لو الشخص قافل بؤه جامد ، زق الفك من ورا ،

زي method two المرسومة عندكم

يبقا يا تجر الفك على أدام ، لو هو مفتوح

يا تزقه من ورا

حلو ☺

يبقا ، إنت نضفت بؤه ، وروح زاقق الفك على أدام ، وروح مميل بقا على بؤه

وتبتدي تنفخ ، وروح نافخ في بؤه

في هواء طالع من مناخير العيان ☺
وإنت متخيل إن العيل يطلع هواء من مناخيره
يا بابا دا الهواء بتاع إنت ☺ ، طالع من مناخيره

إنت بتشتغل نفسك أصلاً
لازم تقفل مناخيره بإيدك ، يعني إنت تجر الفك على أدام ، وتقفل مناخير العيان بالإيد الثانية ،
خلاص كده

هتروح شادد الفك على أدام ، قافل على مناخيره عشان الهواء ميخرجش من مناخيره ، وتنفخ في بوء العيان
كام مرة ؟؟

20 مرة في الدقيقة

تنفخ في بؤه عشرين مرة في الدقيقة

إسمعنا ؟؟؟

تعال أقولك ليه ،

سعادتك بتتنفس في الطبيعي ، من 12 إلى 16 مرة في الدقيقة

قول 16 مرة ،

بس الهواء اللي بتتنفسه فيه 20 % أوكسجين ، (ما الجو عندك عشرين في المية أوكسجين)

بس خلي بالك ،

إنت بتدي للعيان ال expiration بتاعك ،

تركيز الأوكسجين فيه 16 % بس

يبقا هي هي ☺

إنت ال normal بتتنفس 16 وتديله تركيز 20 %

إنت هتنفخ في بؤه 20 مرة بتركيز 16 %

هي هي

إنت بقا ، بتقعد على العيان دا وقت شوية ،

بتبدي تنفخ ، بتقفل مناخيره من ناحية وتنفخ في بؤه من ناحية

الأول بتأخذ نفس ليك إنت ، وبعدين تدي للحالة اللي معاك

عشرين مرة في الدقيقة

لغاية إمتى ؟؟ إمتى تبطل ؟؟

كل الكتب الكبيرة ، قالت إمتى البني آدم يتوقف عن قبلة الحياة دي

قالتلك

حاجة من اتنين :

• يا إما العيان يموت ، يعني قلبه يوقف ، فتبطل تنفخ

• يا إما الدكتور هو اللي يموت

مش مسموح يا بابا ، either the patient or the doctor die

يعني إنت في نص السكة ، عمال تنفخ تنفخ ،

لا ، أنا تعبت ، أنا عندي ماتش طيارة بقا ، وقاعد على الشط الناحية الثانية

ثبت في سنن الترمذي وابن ماجه أن النبي " صلى الله عليه وسلم قال " أفضل الذكر : لا إله إلا الله ، وأفضل الدعاء : الحمد لله " قال تعالى " لئن شكرتم لأزيدنكم "